



Bosnia and Herzegovina
Federation of Bosnia and Herzegovina

CANTON SARAJEVO
Anti-Corruption and Quality Control Office

Broj: 20-04-18-401/21
Sarajevo, 04.03.2021. godine

SKUPŠTINA KANTONA SARAJEVO
KABINET PREDSDJEDAJUĆEG SKUPŠTINE KANTONA SARAJEVO
n/r Predsjedavajućeg Skupštine - Elvedin Okerić

PREDMET: Informacija, dostavlja se.-

VEZA: Akt Skupštine KS, broj: 01-04-37535-14/20 od 29.09.2020. godine

Uredbom o osnivanju Ureda za borbu protiv korupcije i upravljanje kvalitetom Kantona Sarajevo - Prečišćeni tekst ("Službene novine Kantona Sarajevo", broj 40/20), propisane su nadležnosti Ureda za borbu protiv korupcije i upravljanje kvalitetom Kantona Sarajevo (u daljem tekstu: Ured). Član 5. citirane Uredbe propisuje da je Ured nadležan za preduzimanje aktivnosti na prevenciji korupcije kao i prikupljanju podataka i informisanju nadležnih o uočenim radnjama koje mogu imati koruptivne elemente, te za postupanje po prijavama prema institucijama u svrhu provjere, prikupljanja podataka i prosljeđivanja istih nadležnim organima i institucijama.

Dana 28.09.2020. godine, zastupnica u Skupštini Kantona Sarajevo Danijela Kristić uputila je zastupničko pitanje u kojem je zatražila da Ured u okviru svojih nadležnosti provjeri navode iz medija u vezi postupka izmjene Statuta i Pravilnika o unutrašnjoj organizaciji i sistematizaciji, opisu poslova i radnih zadataka KJP „Sarajevo-šume, te ukoliko je potrebno da poduzme potrebne zakonske radnje. S tim u vezi, Ured je u okviru svojih nadležnosti zatražio i pribavio relevantnu dokumentaciju od Ministarstva privrede Kantona Sarajevo i preduzeća KJP „Sarajevo-šume“ d.o.o. Sarajevo, te je izvršio uvid u relevantne propise. Tom prilikom, Ured je došao do sljedećih podataka i zaključaka:

- Na vanrednoj sjednici, održanoj dana 21.08.2020. godine, **Skupština preduzeća KJP „Sarajevo-šume“ d.o.o. Sarajevo donijela je Odluku o izmjeni Statuta preduzeća broj: 0101-2168-10/20**, kojom se mijenja član 46. stav 2., član 48. i član 49. alineja 1. Statuta preduzeća. Izmjene se odnose na potrebne uslove za imenovanje direktora preduzeća i izvršnog direktora za opšte poslove. S tim u vezi, aktom broj 07-03-06-12531-3/20 od 20.08.2020. godine, **Ministarstvo privrede Kantona Sarajevo dalo je prethodnu saglasnost na dnevni red sjednice Skupštine preduzeća, bez davanja obavezujućih uputa punomoćniku/cima (članovima Skupštine preduzeća) za odlučivanje.**



web: <https://vlada.ks.gov.ba>
e-mail: uk@uk.ks.gov.ba
Tel: + 387 (0) 33 562-277
Fax: + 387 (0) 33 562-217

Sarajevo, Reisa Džemaludina Čauševića 1



- Odluka o izmjeni Statuta preduzeća dostavljena je nakon toga Ministarstvu privrede i Vladi Kantona Sarajevo u propisanom roku, a obzirom da nije pokrenuta procedura suspenzije donesene Odluke o izmjeni Statuta, može se opravdano zaključiti da je **Ministarstvo privrede Kantona Sarajevo u konkretnom slučaju procijenilo da donesena Odluka nije na štetu javnog preduzeća** (shodno članu 4. Odluke Skupštine Kantona Sarajevo o vršenju ovlaštenja u privrednim društvima sa učešćem državnog kapitala iz nadležnosti Kantona Sarajevo).
- Odlukom o izmjeni Statuta preduzeća mijenjani su uslovi za imenovanje na poziciju direktora KJP Sarajevo-šume i to na način da je odredba koja precizira da direktor mora imati „najmanje osam godina radnog iskustva u struci, od čega najmanje pet godina na rukovodećim pozicijama“, zamjenjena riječima „najmanje pet godina radnog iskustva u struci, od čega najmanje tri godine na rukovodećim pozicijama“. Takođe, izmijenjen je i dio koji se odnosi na uslove za imenovanje izvršnog direktora u KJP Sarajevo-šume, na način da je ranije u Statutu KJP Sarajevo-šume pisalo da izvršni direktor za opšte poslove mora imati „završen fakultet društvenog smjera“, „najmanje pet godina radnog iskustva u struci, od čega najmanje tri godine na rukovodećim pozicijama“, „da ima položen državni ispit“ i da ima „stručna znanja iz oblasti za koju se imenuje“. Prema novim pravilima, izvršni direktor za opšte poslove neće morati imati položen državni ispit, a moći se biti imenovan i sa završenim šumarskim fakultetom.
- Dana 09.09.2020. godine, shodno izvršenim izmjenama Statuta, Uprava Preduzeća donijela je Pravilnik o izmjeni i dopuni Pravilnika o unutrašnjoj organizaciji i sistematizaciji, opisu poslova i radnih zadataka KJP „Sarajevo-šume“ d.o.o. Sarajevo, kojim su izvršene izmjene i dopune Pravilnika u odnosu na potrebne uslove za imenovanje direktora preduzeća i izvršnog direktora za opšte poslove. Saglasnost na izmjene Pravilnika dao je Nadzorni odbor preduzeća.
- Na osnovu svega navedenog, **Ured smatra da u konkretnom slučaju ne postoje indicije koje ukazuju na povredu zakona, niti da postoji bitno povećani koruptivni rizik.** Izmjene Statuta u pogledu traženih kvalifikacija za članove uprave preduzeća nisu znatno promijenjene, a kao takve su na skoro identičan način određene i u Statutima drugih javnih preduzeća. U prilog tome ide i činjenica da je u članu 12. Zakona o javnim preduzećima FBiH određeno da Upravu bira nadzorni odbor na osnovu javnog konkursa iz reda kandidata koji po menadžerskim znanjima i iskustvu najbolje odgovaraju za izvršenje operativnih i poslovnih potreba javnog preduzeća, što se kroz navedene izmjene Statuta nije promijenilo i čime je i dalje načelno osiguran izbor najkvalitetnijih kadrova.
- Ujedno, uvidom u dostavljenu dokumentaciju, Ured je utvrdio da članovi Uprave preduzeća, počev od 24.09.2020. godine do danas, djeluju u svojstvu vršioca dužnosti a ne u punom mandatu, što ukazuje na neblagovremeno izvršavanje dužnosti Nadzornog odbora preduzeća, koji po Statutu bira, imenuje i razrješava članove Uprave.

S poštovanjem,



Dostaviti:

1. Naslovu;
2. a/a.



web: <https://vlada.ks.gov.ba>

e-mail: uk@uk.ks.gov.ba

Tel: + 387 (0) 33 562-277

Fax: + 387 (0) 33 562-217

Sarajevo, Reisa Džemaludina Čauševića 1

